

八瓊室金石補正

八瓊室金石補正卷七十四

太倉陸增祥撰

男 繼輝校錄

吳興劉承幹覆校

唐 四十六

米氏女九娘墓誌

方一尺五分十五行行十四五字字徑五分蓋題米氏女墓誌銘六字字徑一寸七分俱正書在揚州岑氏

唐故米氏□娘□□□ 并序

米氏九娘子其先□□□□□郡□□□父諱甯米氏即君之室女貞□溫□□家孝行幼□聰明□生俱□□

睦睦然親族無不欽傳熙熙身閨室令  
則高門於家至行無何期不幸遘疾以會昌  
四年七五曰終于揚州江陽縣布政里之享年  
世有一嗚呼長及笄年未娉親泣血哀號六  
親悲切行過傷嗟以當月十九日殯于城絃  
歌市之平原祀也恐陵谷遷改刻不朽焉銘曰

照青松瘞生死有限

傳今

右米氏女九娘墓志石在甘泉岑氏壬申冬汪硯

山鑿以拓本寄詒未見箸錄文云終于揚州江陽縣布政里之□殯于城□□歌市之平原當在江都出土特未審其時耳

疊綵山題記

高一尺二寸廣一尺三寸十行行十字字徑一寸一分分書左行在臨桂

按圖經山以石文橫布彩翠相間若疊綵然故以爲名東直二里許枕壓桂水其西巖有石門中有石僞故曰福庭又門陰構齊雲亭迴在西北曠視天表想望歸途北人此遊多軫鄉思會昌三年六月藏功南自曲沼上極山林四季七月功既

四望山題刻二段

在臨桂

四望山題記

高一尺一寸廣一尺二寸七行行七字字徑一寸三分書左行

山名四望故亭爲銷憂亭之苒後繇絡山腹皆溪梁危磴由西而北復東上疊綵右崖至福庭石門約三十餘步

右刻俱在臨桂疊綵山一刻疊綵前岩石壁上方一刻四望山四望乃疊綵之支峰耳其左一峰爲干越山晦亦有見桂勝今不可得山爲匠石取材疑灾斧斤矣唐書宰相世系表晦爲積從子全唐詩傳云會昌初桂管觀察使終散騎常侍桂林風土記謂晦搜

達金貂翺翺翰林揚歷臺省性好岩沼時恣盤游於  
時潞寇初平四郊無壘公私宴聚較勝爭先美節良  
辰尋芳選勝管絃車馬闐隘路隅今覽諸記略可想  
見焉

廣西通志  
金石略

右疊綵山記在臨桂又有四望山記即疊綵山之支  
峰粵西金石略以爲俱元晦撰未知何據碑藏作藏  
亦異文

平津讀  
碑記

四望山題記與前刻出一人手筆無書撰姓名廣  
西通志謂元晦所爲當非無據志又載元和九年  
馬日溫題名今未見

四望山題榜

高二尺五寸廣一尺二寸直  
榜三字字徑八寸許篆書

四望山

四望山在疊綵岩之右有四望山三篆字

廣西通志

永樂丞韋敏妻李氏墓志

高一尺七寸廣一尺八寸八分廿  
二行行廿一字字徑四分正書

唐故河中府永樂縣丞韋府君妻隴西李夫人墓志銘

并叙

鄉貢進士于漬撰

夫人李姓燉煌遠孫曾祖承家皇越王府司馬祖庭琇  
皇朝散大夫太子典膳郎父衮皇虔州刺史賜紫金魚

袋夫人即袞之第二女生河東柳氏嫁京兆韋敏敏先  
夫人而歿夫人為女淋為婦幹奉釋仰道雖緇衣黃冠  
不能嘉也諸六親奉八敬假假然不搖其儀擿幼指卑  
入則窮善夫之前妣有女有男撫育煦暖雖熟知審識  
者亦不辨其罪出也四十五年稱未亡人計生活於郊  
屋荆扉瓦爨食音練羹藿眉不感澁怡怡然若居朝市  
食香脆也開成四年八月廿二日無疾不痛疊足如寐  
沒于京兆府雲陽縣龍雲鄉韋之舊業享年六十六隣  
里鄉黨慟若己屬用會昌五年正月廿四日葬于興平  
縣茂陵鄉肺浮原接先夫人適韋門韋敏第三娶是不



早耐夫人已無有出韋前室男曰通娶李氏官及成都  
新繁尉女曰婉妻滎陽鄭氏皆前夫人而終通之子嗣  
實茂實皆順而孝悲奉葬具已得兆時所外兄鄭茂卿  
請識墓於京兆于墳墳於鄭之親亦鄭於

韋之類也是為銘曰

嘻夫人 生有云 女良族 婦德門 折有儀 揉  
不紛 歧道釋 瞭無昏 母厥家 法可尊 嗚呼  
兮 復其魂 遂安兮 冗有墳

右永樂丞韋敏妻李氏墓志當在西安興平出土  
韋敏及其子孫與夫人先世皆無考夫人曾祖為

越王府司馬按太宗第八子貞封越王肅宗長子  
係亦封越王以時代約計之此所稱越王當尙是  
貞之後嗣也夫人沒于雲陽葬于興平興平亦屬  
京兆府不能嘉也以嘉為加夫人前媿媿卽妣字  
前室稱妣不合亦不辨其罪出也罪爲誰之誤撰  
文者于濟見宰相世系表字子濟官泗州判官憲  
宗相于頔弟冀之孫

華景洞李珣等題名

高一尺一寸五分廣一尺九行行字  
不一字徑八分正書左行在臨桂

郴州刺史李珣 桂管都防禦巡官試秘書省校書郎

元充

會昌五年五月廿六日同遊時珏蒙

恩移郡之任桂陽校書以京國之舊邀引尋勝男前  
京地府叅軍階進士潛譜措從行

右李珏題名其文云云凡九行自左而右刻於粵西  
之風洞甲辰歲袁簡齋游粵中搨以詒予攷新舊二  
史載珏罷相後事多相牴牾舊傳云武宗卽位之年  
九月與楊嗣復俱罷相出爲桂州刺史桂管觀察使  
三年長流驩州大中二年徵入朝爲戶部尙書出爲  
河陽節度使新傳云武宗卽位爲山陵使罷爲太常

卿貶江西觀察使再貶昭州刺史宣宗立內徙郴舒  
二州以太子賓客分司東都遷河陽節度使今據此  
刻珪移郴州刺史在武宗會昌五年則新史宣宗立  
內徙郴者已不足信舊史并脫漏移郴一節矣通鑑  
會昌六年八月以昭州刺史李珪爲郴州刺史宣宗  
以是年三月卽位與新史相應以石刻證之則新史  
與通鑑皆誤也據通鑑珪自桂管觀察貶昭州刺史  
舊武宗紀則云則云貶端州司馬初無長流之事舊  
傳云長流驩州尤誤新史云貶江西觀察使江西當  
爲桂管之謫因題此碑并牽連書之

舊研堂跋尾

右李珣等題名在臨桂華景卽風洞也李珣字侍  
價史有傳傳不敘其子宰相世系表珣有四子階  
度支判官兼殿中侍御史弱翁鹽鐵判官兼監察  
御史普字昌之充海從事校書郎愈密尉除階之  
外名俱與此不符普疑譜之誤弱翁及愈或後來  
改名至史傳之誤錢先生言之詳矣李珣有神道  
碑在偃師所敘歷官自當詳備惜未得拓本再為  
攷證也

柳氏殤女老師墓誌

高一尺三分廣九寸八分十七行行  
十七字字徑四分許正書在長安

唐故柳氏長殤女墓誌銘

并序

兄中散大夫權知京地尹上柱國賜紫金魚袋仲郢  
撰

嗚呼天不與壽而生不能成其美者

我家之殤妹名曰老師是也會昌五年五月二十一日  
友于昇平里第享年一十有六兄仲郢見任京地尹以  
爲家有 廿祿著于族係

官諱嚴重不敢□書蓋亦以彰幼而有知之體粵以六  
月二□一日塋于杜城村淮經制也兄仲郢揮涕執筆  
誌其石云

惟我幼妹 中和率性 粵在孩提 自知誠

敬 名蒲姻族 謂宜承慶 天何難達

福乃遄罄 人之有生 脩短前定 其可陰

隲 豈不助正 今茲戾忽 綿歷疾病

徒言稟授 實惑余聽 城南別業 口地開

逕 臨穴于此 保尔安靜

仲郢字諭蒙其爲京兆尹傳不詳何年傳稱奏拜

此稱權知殆先權後拜也

宣功參軍魏邈妻趙氏墓誌

高一尺六寸五分寬一尺六寸廿八行行廿  
三至廿九字不等字徑五分行書在咸甯

唐故宣功叅軍鉅鹿魏君夫人趙氏墓誌銘

并序

前延州防禦衛推文林郎試左驍衛兵曹叅軍王

儔撰

公諱邈字仲方廿本云秦改魏爲鉅鹿郡也後徙家于山南今則洋州興道人也昔周建侯王是稱盤石

國命良相謚曰文貞公泊枝派初分導自洪源之注蘭蓀並極時爲銓藻之芳祖賔父朝隱皆散儒術諒識宏深高樂園林自求野逸公孝達叅閔學茂游夏稟志孤貞潔行端操頃因人仕多爲台鼎廉察之知累以德藝精粹聞於天庭始奏授懷州叅軍次選授果州司



戶叅軍

次任婺州司功叅軍  
次任宣州司功叅軍

凡歷四郡皆以直道佐理

惠治優人官賴其能尸受其福以茲樹善既至必獲神

休豈謂天喪貞良倏延荒察乃針石靡効冥齡苟乖奄

忽俄然盡爲松楸是則逝波湮沒而不還風燭泯光於

殘夜以元和九年十月十三日不祿于任壽年五十有

五卽十年四月護歸京地窆于萬年縣洪固鄉北車村

北原也

夫人天水趙氏考皇任壁州長史昇之仲

女也少習師保內則素彰懿淑茂儀柔順芳婉而乃夫

翼凌虛亡舟涉濟孟母彼美敬姜謂歟以會昌四年冬

偶嬰微疾殆踰累旬冬筭水魚日無不至十一月十五

遂歿于延州豐林縣之私第享年七十有五今以五年十一月廿三日護喪耐于萬年縣洪固鄉杜聿村杜原禮也有女四人 長適皇甫氏 次適李氏 次適侯氏 幼適王氏並早閑保傳克就柔儀女德婦功怡聲婉婉或逝水不返或婦言益嘉雖女史無□亦家諒自顯有子三人 長曰齊貢前任延州豐林縣令次曰庄贊前任劍州普安縣主簿幼曰文質任梓州永泰縣令俱以簪笏宦途學行清敏政則洽民惠乃周物自糶□樂泉泣血絕漿跽護搗髮毀瘠終制及靈昇南邁哀戀北堂禘嘗之儀晝暮增潔竊以薦行式序祈誌永年士

木非剛刊石為事儔每媿屏薄冲讓未獲辱命染翰為  
詞頗難銘曰

黑水之西 終山之北 厥土上上 人惟溫

克 鄴謂之先 秦風是則 簪笏所繼

其儀不忒 泚慎佳美 咸曰貞庶 婦禮弥

著 母德式瞻 家以議徙 子以道謙

未獲榮養 奄弃恩嚴 豈曰盛衰 抑奪人

愆 千載之後 悲此山曲

魏邈墓其子匡贊已誌之矣此誌為其妻趙氏祔葬  
而作題魏君夫人墓誌而前幅敘邈官履甚詳仍為

合葬誌也匡贊誌云授懷果二州參軍皆未上而此云凡歷四郡皆直道佐理所載已失其實又匡贊誌載子三人長卽匡贊仲曰文質季曰齊貢而此誌則稱長曰齊貢次曰匡贊幼曰文質兄弟之序顛倒至此作者偶誤其家人亦不更正何也匡贊誌云女三人而此誌則曰有女四人長適皇甫氏又爲匡贊所遺一家之事二石互異考據家欲據衆手共成之史辨論千古得失不亦難矣哉誌首所稱文貞公乃唐初相國徵也誌中振作振儒作儒粹作粁眞作眞剛作剛號避虎字諱作𪚩𪚩字以避太宗諱缺筆

古誌

石華

右墓志王儻撰道光戊子三月予自吳門碑估處購得文中次任婺州司功參軍次任宣州司功參軍十六字脫而補刻於旁攷魏姓本周武王弟畢公高之後畢萬仕晉封於魏因以爲氏廣韻云出鉅鹿任城二望今此誌引世本秦改魏爲鉅鹿郡又云後徙家於山南今則洋州興道人是魏邈之望出於鉅鹿也又云國命良相諡曰文貞公者卽太宗時相魏徵也志首題云宣功參軍者卽宣州司功參軍也邈於元和九年十月卒於宣州司功參軍之任於元和十年

十月歸葬萬年縣洪固鄉北韋村後至會昌四年十一月其妻趙氏歿於延州豐林縣於五年十一月祔葬北韋村王儻始爲作志銘志叙其四女於三子之前或因女皆先生長於其子也而又贊美其女至三四十言之多可謂允蕪無識殊失行文之體矣志文不足取而書頗渾厚圓勁惜無書人姓名此刻世本之世及二民字皆避諱闕筆參閱之參與參軍之參皆作叅是唐人讀曾子之名與參軍同矣此與元和十五年韋端志皆云葬萬年縣洪固鄉而前人未有著錄者蓋皆近日土人發掘得之始傳於世也長安

志載萬年縣洪固鄉管村四十八此北韋村蓋其一

也

古泉山館  
金石文編

案魏邈夫人趙氏墓誌銘王儔撰邈葬時子匡贊自撰誌銘所稱今年其年明年不詳何年前跋定爲元和十年者以歲次乙未推之證以此誌更爲明著二誌中有互異者邈誌云不復知先人之事此誌上溯其相文貞公則託於鄭國公魏徵之後邈誌云寄居京兆咸陽縣此云徙家山南洋州興道邈誌云葬萬年縣畢原此云萬年縣洪固鄉北韋村北原邈誌云趙氏試壁州別駕昇之女此云壁州長史昇之仲女

其尤所不解者觀誌云女三人長素恭嫁李氏仲季  
風嫁侯氏季季雅猶未從人兒三人長卽匡贊仲曰  
文質季曰齊貢此云女四人長適皇甫氏次適李氏  
次適侯氏幼適王氏子三人長齊貢次匡贊幼文質  
女適王氏者當卽季雅而長適皇甫者何不見于前  
誌且列齊貢於匡贊之前以季子爲長長子爲次次  
子爲幼雁序悉紊又何說也元和郡縣志宣州江南  
道宣歙觀察使管洋州領興道縣山南西道節度使  
管懷州河北道河陽三城懷州節度使管果州壁州  
並山南道夔州江南道浙東觀察使管延州領豐林



縣關內道鄜坊節度使管劍州普安縣梓州永泰縣

並劍南道東川節度使管

金石續編

石華載此志標題宣下多一州字術作行頃作須  
苟作益壁州作婺州普安作青女昇作車均誤粹  
本作粹右從平而作粼號本作豸而作豸上從么  
亦非又缺家諫自顯之顯棘口樂貞之棘樂茲悉  
據石本錄之不還上石華作而字樂貞上似是心  
字姑從其闕此誌與魏遐誌不符諸家已言之要  
以遐誌為憑遐誌匡贊自撰不舛誤也序尾有鴈  
行式序之語下又云為詞頗難豈有故邪又續編

宣功作宣州宦途作官途祈誌作祈請曩未校正  
并誌吾過

劉舉墓甄誌

方九寸八分十二行行字不  
一字徑六分正書在江都

唐故劉府君墓誌

并序

府君名舉彭城人也 曾祖舉 祖通 父良 三代

並皆謂居清顯隱于邱陵 府君承家禮讓立性溫和

內外之親皆傳人孝兄於四海朋友能賢何期不幸染

疾累歲至於大中元年八月六日終于江陽縣仁風坊

之私第春秋 夫人太原王氏有男一人名師貞女

一人適于王君孤男孝女泣血擗天即以八月廿一日  
埤厝嘉甯鄉五乍村之原

府君在生 壽祿而榮 先造其墓 逝矣冥之

謂居清顯謂者位之誤皆傳人孝人者純之誤春

秋下空闕不書鄉人草草為之耳

周公祠靈泉記 大中二年十一月  
萃編載卷百十三

十七日 缺十  
字 失面 面作  
圖 不朽 朽作  
朽

太子太傅贈司徒劉沔碑

高五尺七寸二分廣二尺八寸五分三  
十七行行六十五字字徑七分正書

唐故光祿大夫守太子太傅致仕上柱國彭城郡開國

公食邑二千戶贈司徒劉公神道碑銘

并序

朝請大夫守左諫議大夫上柱國賜紫金魚袋韋搏  
撰

金紫光祿大夫左散騎常侍上柱國河東郡開國公  
食邑二千戶柳公權書

翰林待詔朝議郎守越州都督府司馬上柱國  
唐元模勒并篆額

公諱沔字子汪其先彭城人仕為將習孫吳兵法皆以  
騎射善鬪名聞開元天寶間公覽群書工春秋氏  
傳雅序對謙謹夙有大志卒成功名曾祖元銀

青光祿大夫檢校太子賓客利州長史兼監察御史生

王父高銀青光祿大夫檢校國子祭酒〇〇判史兼侍

御史〇〇〇無〇時號〇平雖〇〇功〇〇甚顯忠厚

積慶必大其胤是生皇考奉天定難功臣興元元從驃

騎大將軍行左驍衛大將軍兼御史中丞上柱國東陽

郡王食實封〇百戶贈左僕射〇〇〇〇〇時紆夢起

於輦下嘯呼叛寇狂刃指闕六軍無素

大駕西幸僕射公與侍中下磨泐約十餘字

德宗皇帝于奉天縣分守壁壘力戰前後凡數十合賊

不敢進其界地雄〇〇〇〇〇〇〇〇〇〇〇〇〇〇公僕

射之□子也生知慈愛馬□□不以金玉寶橐中居僕

射聖哭無時親戚僕役給所奉外餘財封植松楸無所

留制終杖劍北遊□單于□□□□□□□□□□希

朝希朝與語□□□□□□□□□□公佩刀侍

堦下希朝目之使與聖指其衆曰此子他年必有

吾位公戰竦拜謝軍中□□□□□□□□□□

□□□□大將將□□□□□□□□□□大夫檢

校左散騎常侍兼將軍知軍事公善射能擊毬與其輩

角技公場數勝群輩企羨屬目□□□□□□□□

□□□公慨然□前興軍□□之□□□□□□前

後高下大和元年□月十七日遷大將軍依前知軍事

嚴慎簡重恩威洽肅動靜規矩一皆法度□□□□

□□□□□□郵數四□涇原北庭□□□□□□

□□月十七日以北地危急藉公威聲詔守本官移

理振武涇人惜其去閉壘留乞公曰□□□□□□

□□□□□□振武也軍中將□□□□□□□□

□□義稍相解諭會傳鼓□自闕來公給之迎迓

別衆出前揖其使遂鞭馳數十里入振武城□□□□

□□開成三年突厥□□□營田公□□□□□□

□□□□□□歸戰卒故士卒樂其□公善緝破碎不事

冗長無虛費誇飾故廩盈而庫實人閑而力足築都

□□堡及□□□堡□計錢百餘貫

空下

文宗皇帝嘉能軍 詔曰卿材膺將帥道茂公忠立城

堡於要衝禦蕃戎□□□□□之□言□□多恙皆支

持不更論請□□□□□□□□□業而出群何能

臻此 其年九月十七日加戶部尙書五年三月十六

日檢校 其年迴紇□天德□□□□ 詔公權領天

德軍與振武之師據<sub>雲</sub>伽關□□退歸賜緡錦銀綵監

軍使劉元政大將百姓僧道耆老蕃部首領具公休績

聞於 朝請建碑紀公抗表□謂無勞□□虛□



○芳藹之遺實焉會昌二年春迴紇又入天

德掠太原

振武北界

下空

詔兵部郎中李拭往視經略器備城戍且觀其節將之  
能否使還實辭唯公可委三月廿三日以本官除河東  
節度使五月迴紇寇雲州六月出太原之師九月

下空

制兼充招撫迴紇使其時徵四方之師已集命公指揮  
進退遂屯于鴈門關斬雲州失口將七人以徇然後分  
部據險秣馬教射積食礪器練驍傑第猛力程其材而  
任之類

詔促戰公上表曰不及獻歲之初必見

誅戎之効

朝議不聽責戰益

誠籌既決堅正

不撓

其年冬移軍天甯又移雲州得謀者曰迴紇已卜正月  
一日將校當晨謁都護府我併兵力攻必得其城食其  
粟陰山漢南舊吾土可以爭衝取安上道□公召朔州  
刺史石雄馬步都知兵馬使王逢遊□大金使劉万仝  
令之曰與尔□一万至安衆寨遇敵當戰復須以捷報  
如乘其虛卽盡虜妻男女牛馬倍道歸我比虜還已失  
旂帳吾遣其登城呼之可一麾來降時三年正月九日  
矣至十一日夜□□於殺胡嶺大破之斬首三千級得  
太和公主還于上京降特勤王子二十□人  
□汗達干將軍世餘人首領及俘纍四千餘衆牛馬駝

羊萬計犒旋加檢校

司

□

物議賞未直其功再加金紫

光祿大夫仍賜一子正貲八品官軍還次代州時歸義軍迴紇三千餘人并首領卅三人糝食諸道以

天子新與其號而又恃思忠

宿衛之寵不受

詔曰

我虜也死於此足矣南州不復往夜大呼連營擾呼池河叛公曰大權貴於合道是宜誅之不俟

詔旨奏

還果契上意軍還河東六月又

詔領師南討澤潞七

榆社歸百姓男女五百餘□得昭義將李丕及健卒送

闕公以劉稹□□江爲鄰封從諫每欲濟師助我

今諸軍或不捷必貽論指目禍基此矣

上疏切言移

滑州節度使守本官會昌四年二月廿五日以万善之  
戰□尅 詔除河陽節度使領滑師二千人爲万善

聲勢實欲公師爲自河陽又遷光祿大夫檢校司空鎮  
許昌 詔將到公曰吾聞無德而祿猶無基而厚墉不  
□何待稱疾堅去風 聞於 朝人不之知如卿士

歎惜喧問相續除太子少保以不任 朝謝報復

除太子太保致仕又遷太子太傅辭榮知止或筋力不  
仁□年而請公纔齡六十□□三鎮□全力盛叨高位  
尊恃勲名無驕德色日以盈滿是懼退休爲切二百年  
強褻一旦廓清北方無虞胡馬不牧閑室私第不妄止

出垣別墅素衣□馬從□數人道遇□貴必除騎屏□  
人仰□下聞風□退優遊自遂不思不戚以大中二年  
十一月七日遘疾薨于昇平里享年六十五

天子悼痛輟朝二日□□□□□□贈司徒公□

□長□□□神勇武毅為右神策軍押衙銀青光祿大  
夫檢校太子詹事前蔣王府長史兼侍御史繼其家聲  
不隕先業幼從□前左監軍衛將軍兼侍<sub>御</sub>史服□□

之□書千□□□公之愛□□<sub>禾</sub>遺祉及焉搏自殿中  
侍御史改檢校司封員外郎佐公幕于太原從行營于  
雲州周旋始終目覩盛績□言□□不□□□銘曰

旄頭耀芒爪牙用張繫公而功孰材可當厥惟匈奴軼  
陸跳梁在咎不馴北方稱強既服既援如虜如□維公  
□□□□以□□□□類□□□□鳥無遺□獸無伏  
藏□際萬里野寂三光休烈巍巍懔懔若無有思  
愧寵逾功慙祿厚二疎繫思五湖在慮不盈不傾□□  
□□匪□匪□□□□□□□

李從慶刻字

唐太子太傅劉沔碑韋搏撰柳公權正書大中二年

十二月金石錄目

右唐劉沔碑按舊史云沔許州牙將也少事李光顏

為帳中親將元和中討吳元濟有功隨光顏入朝憲  
宗留宿衛歷三將軍鹽州刺史天德軍防禦使移振  
武節度使而碑乃云沔北遊至單于都護府謁節度  
使范希朝希朝署牙門將入右神策軍為大將軍遷  
大將軍拜涇原節度使移振武蓋沔初未嘗為許州  
牙將從李光顏平蔡及為鹽州刺史天德軍防禦使  
皆當以碑為正新史所書悉與碑合疑史官嘗得此  
碑以訂舊史之失云

金石錄

右劉沔碑世七行行六十五字惟弟廿七行多一  
字磨泐不可辨者三百餘字碑敘沔父不詳其名

據新唐書知爲廷珍史不言其兼御史中丞贈左  
僕射也碑敘其功績悉與傳合其署牙門將入爲  
神策將均在泐處趙德甫所見有之傳云武宗立  
遷檢校尚書左僕射碑不言左僕射則碑略而傳  
詳也碑云檢校左散騎常侍兼將軍知軍事又云  
遷大將軍依前知軍事傳第云遷累大將軍則傳  
略而碑詳也碑云自河陽又遷光祿大夫檢校司  
空鎮許昌傳云進檢校司徒忠武節度使稍有不  
符碑又云除太子太保傳略而不載朔州刺史石  
雄新唐書亦有傳馬步都知兵馬使王逢見王沛



傳逢沛之子也殺胡嶺之戰石雄傳敘之極詳李  
丕劉稹及從諫等均見劉忠傳又案宏簡錄云從  
李光顏討蔡爲前鋒歷鹽州刺史天德軍防禦使  
蓋據舊史載之趙德甫已言其誤又云檢校右散  
騎常侍則誤敘於遷大將軍之後復誤左爲右其  
檢校司空則誤敘於迎還公主之時皆當以碑爲  
正至夢人授燭一事碑無一語言及或亦傳會不  
足信耳

贈工部尚書張仁憲碑

高七尺五寸廣四尺五寸廿九行行六十二字字徑  
一寸三分分書篆額題大唐故贈工部尚書清河張

公神道之碑十  
六字在文安

唐故銀青光祿大夫檢校□□□□□□工部尚書清河

張公神道碑□□

上幽州節度□□□□□□察御史蔡陵書并篆額

天垂四序所以表成歲之功德別九州所以分代天之

治寒燠之運行叶度河岳之威應□□□□□□孝

是故體五常而承五福贊九惠而□九功盛業克□於

旂常佳名攸傳於竹□□□□□□積慶必貽於後

昆祿不逮先孝思式崇於□□□□□□祖述

典謩焜燿今古傳曰□德若不當代其後必達人富哉

言乎

□□□□□□<sub>下空</sub>

有□□□□部尙書張公孕靈鬱

□□□□□□□□□□

□□□□□□□□之略宏圖

□□□□□□□□□□之工

鸞弧倍六鈞之力輕財

□義急

□讓

<sub>廉</sub>

然諾信於友

□

賜給行於州里不以弋

□自

□不以

□□□□□□□□

□□□結駟

□遊座列嘉賓

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

玉之藏比之於□□□

□如列土

□若置郵語默順時浮

□

沈樂道倜傥從事逍遙不羈嘗仕本州厯居右職貞元

初

敕授銀青光祿大夫

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

□□□□□□□□

平縣之□□春秋七十五旋窆於文安縣之西北安樂

原夫人扶風郡太夫人魯氏左廂兵馬使太子詹事福  
之女行符箴頌禮具蘋□□□□□□□□式追於石  
窆後 公廿二季而沒至是祔焉禮也公諱仁憲字仁  
憲其先清河人□查相韓文成見稱於漢代三台輔晉  
壯武克大於當時昭□□□□□□□□□□州刺  
史封清河伯遂處于燕下空

□父諱佐明皇宣威將軍□幽州□□府右果毅都尉  
烈考諱元皎宣節校尉幽州□□□□□□□□  
□□□□□□□奕載德克□前脩暉華閥閱之門錯  
綜崆峒之秀元子諱寂無祿早卒 嗣子諱光朝

冠軍大將軍行左威衛大將軍□□□□□□□□□□

□尙書訓導義方才推命在學該典禮識洞機符倜儻

不羣洞建無撓出則摧戎狄屈則究韜鈴珠履常館於

三千鐵衣時駢於十萬□□□□□□□□□□□□

許國銀黃坐致□筑自娛膺福履以樂天垠□□□□

歲積□垂範高朗令終誕生元臣爲國巨防 兵

部嗣子仲武□幽州□□□□□□□□□□□□□□

□經略盧龍軍兼充招撫廻鶻使銀青光祿大夫檢校

司空同中書門下平章事兼幽州大都督府長史蘭陵

郡王食邑貳千戶□□□□□□□□□□而緝□

□國立言而金玉 王度嚴干戈以衛社稷推彖

象以究天人側席求賢勞心致理厯階清□夙奉

鴻□泊授鉞專征□□□□□□□□先論道三台

之列破獯鬻之衆帳盈七千拓鮮卑之墻地開千里七

狄稽顙百蠻投誠□國□□承天八柱實生靈之藻鏡

為□□□□明□□□□□□□□尊譯被 壹

宗並受專城之寄 伯氏諱仲斌皇荊州刺史□塞軍

□田團練等使兼侍御史 季氏仲至今涿州刺史永

泰軍營田團□□□□□□□□家寶蟬聯國楨□霸

為列郡之雄關羽乃萬人之敵相國有子曰直方國子

祭酒兼御史中丞 荆州有子長曰□輔國子祭酒

兼侍□□□□□□□□元幽都主簿□□幽州

參軍□長房有子曰沛早亡琇兼監察御史有孫曰惠

連兼殿中侍御史皆珪璋特達□□相望丹青克紹於

彤□□□□□□□□穆然清風高視羣品

下空

相國以逮事逾遠華修漸遙松楸既行琬琰未勒景行

□仰思心网□是□伐石□山建□□□□□□□□

□熟 華宗授簡勒銘期於直筆 盛德

難名扣元門而常思墮淚誚聞強繹嬋黃綃而徒媿受

辛終惟恐惶敢載銘曰下空

白泮元黃卽垂□籍華宗上□奇謀異跡問道赤松受

兵黃石道著昭晰□流輝赫當塗代漢□□□□□□

□□作宰操刀國□□□代有英旄□□元魏清河昆

偶為郡臨燕卜□戴斗公卿窟宅□□泉藪史不絕書

才無□日惟唐八菜誕生□□揮

金滿路載德盈車清風穆若善價沽諸泳游道德蘊蓄

儒史功□□□名馳萬□不享眉壽不登貴仕道邁前

脩慶流後嗣克□令子寔曰時□□□□□□襟靈

業惟匡國□表過庭□□孝孫作空下

唐丞相肅穆鳳苑□□玉帳持衡任重杖鉞心壯龜鶴



齊奉山河比□藉藉羣從□□德音□□□□□  
雪□□□□□繁鄧林舊□松楸□追□□□□荒□  
□□□□□勒景鍾□刊□鼎金石既刻□□重炳

□□□□□□□□□□日癸酉建

唐張仁憲碑幽州節度掌書記李儉撰節度參軍蔡  
陵八分書并篆額仁憲字仁憲官至太子中允其孫  
仲武爲盧龍節度使追贈仁憲爲工部尙書碑以大  
中二年立在文安縣

集古錄目

碑稱祖佐明幽州游徼府右果毅都尉新唐書地理

志不載游徼府之名

平津讀碑記

唐張仁憲神道碑李儉撰蔡陵八分書并篆額大中

二年立在縣相公莊

孫星衍京畿金石考

右張仁憲碑在文安縣碑已中斷上截又裂為二以銘詞計之每行六十二字年月只存日癸酉三字據集古錄知大中二年所立首行檢校下所闕為太子中允贈五字九行大夫下所闕為太子中允貞五字皆可據集古錄知之仁憲歿於貞元四年戊辰後廿二年元和十七年辛卯仁憲之妻魯氏卒又閱三十七年大中二年戊辰乃祔於仁憲之墓其孫仲武追述立碑距仁憲歿時周一甲子

矣此碑自集古錄後僅見於京畿金石考皆有目  
無文世所罕見辛未正月潘伯寅侍郎以拓本見  
詒亟讀而錄之案仲武唐書有傳云范陽人云舊  
將張光朝子云其弟仲至云子直方云大中初擢  
累檢校司徒同中書門下平章事皆與碑合惟碑  
云蘭陵郡王史云蘭陵郡公與碑微異要當以碑  
爲正史敘仲武官階云會昌初爲雄武軍使擢兵  
馬留後拜副大使檢校工部尙書進檢校兵部尙  
書皆碑所未及碑爲仁憲而作仲武厯官固宜從  
略碑云經略盧龍軍兼充招撫迴鶻使兼幽州大

都督府長史食邑三□戶皆史所未詳至史敘直  
方官階則在此碑之後碑言國子祭酒兼御史中  
丞則在右金吾將軍襲節度留後之前史皆略之  
碑言破獯鬻之衆帳盈七千拓鮮卑之壠地開千  
里證之以傳云回鶻特勒那頡頏擁赤心部七千  
帳逼漁陽仲武使其弟仲至與別將游奉宸等率  
銳兵三萬破之獲馬牛橐它旗纛不勝計又云大  
中初破奚北部及山奚俘獲雜畜不貲卽其事也  
回鶻傳亦載之云乃詔諸道兵合討盟沒斯以赤  
心姦桀難得要領卽密約天德戍將田牟誘赤心

斬帳下那頡斂收赤心衆七千帳東走振武大同  
因室韋黑沙南關幽州節度使張仲武破之悉得  
其衆那頡斂走烏介執而殺之又云遏捻可汗裒  
殘部五千仰食於奚大酋碩舍朗大中初仲武討  
奚破之回鶻寢耗滅所存名王貴臣五百餘轉依  
室韋仲武諭令羈致可汗等遏捻懼挾妻葛祿子  
特勒毒斯馳九騎夜委衆西走較諸仲武傳爲詳  
也又案帝紀會昌元年十月幽州盧龍軍逐絳雄  
武軍使張仲武入于幽州二年回鶻可汗寇大同  
九月劉沔爲回鶻南面招撫使幽州盧龍軍節度

使張仲武爲東面招撫使大中元年五月張仲武  
及奚北部落戰敗之回鶻傳亦云詔劉沔爲回鶻  
南面招撫使張仲武東面招撫使碑但言招撫使  
不言東面者略耳仲武功績甚偉帝嘗詔李德裕  
爲銘揭碑盧龍以告後世鄭畋謂仲武會昌時功  
第一碑言七狄稽顙百蠻投誠者洵非諛美之辭  
焉後此一年仲武卒見宣宗本紀洪氏所見游徼  
府字今本已泐

令泉關河東節度王宰題記

高二尺二寸廣三尺一寸四分廿九行行  
十八十九字字徑七分許正書在靈石

河東節度觀察等使光祿大夫檢校司徒兼太原尹北都留守御史大夫上柱國太原郡開國公食邑二千戶王宰

開成五年自隴州防禦使拜工部尙書節制邠甯至會昌三年蒙恩換許昌節至九月自許昌統當軍驍卒泊河陽義成宣武浙西宣歙等軍兵馬充攻討使誅除盪關寇嗣至四年八月十日梟逆首獻闕下蒙

恩拜寵除左僕射至九月將歸許昌軍次溫縣天使持節至又授寵詔遷鎮北門十月過此至會昌六年上登寶位蒙恩加司空至大中元年奏以雲蔚朔

三州之腹為賊喉要故戍舊封多所廢缺蕃寇奔突無  
所限礙又相厥土濃壤可出軍□遂疏其利宜請耕戰  
三城募卒六千休其事務農習戰永斥邊寇克留軍儲  
至二年九月秋成境肅

上錄其功

詔就拜司徒率

以叨乘微効祗寄北都及今五稔日懼幸悔靡遑非據  
遂瀝誠拜章乞覲

明庭既蒙

恩下允誠懇至十

二月十二日遂得祗

詔擁節趨

闕赴正

仗朝

躬之禮至明年正月十一日又蒙

聖旨并加光

祿大夫依前檢校司徒却歸本鎮至二月五日過此因  
覽其重巒複疊積樹叅差汾水迴于而潺湲天險蔽抱



而崇固可壯夫

霸畧

皇業萬代之基駐旆關亭

吟睇移景又覩

中令河東公及相國

令狐公左揆

狄公相國

崔公來罷

之題列遂輒紀其轉歷及往

復所自云

從弟節度判官殿中侍御史內供奉賜緋魚袋

坤

男前在司禦錄事參軍

嗣宗

並從行

此河東節度王宰以大中二年三月自京還鎮道經  
靈石追憶會昌年遷鎮過此因刻石紀行且彰功伐

也唐書本傳王智興懷州溫人子晏宰從去晏獨名

宰累擢邠甯慶節度使

方鎮表大曆十四年復置

回鶻平徙忠武

軍

貞元三年置陳許節度使治許州十月賜號忠武軍節度

討劉稹也詔宰出魏

博赳磁州以兵五千椎鋒兼統河陽行營進取天井

關

晉城攻陵川晉城陵川並屬縣南澤州高平郡

破賊石會關進攻澤

州其將郭誼殺稹降宰傳稹首京師遂節度太原

武宗

紀會昌三年四月昭義軍節度劉從諫卒子稹自稱留後九月忠武軍節度使王宰兼河陽行營攻討使

十二月克天井關四年八月昭義軍將郭誼殺稹降宣帝初入朝結權幸求相

周墀劾之乃遣軍子晏實智興自養之故名與諸父

齒此記與史悉合惟方鎮表大中五年以隴州置防

禦使據此則在開成之初不自大中始矣曰許昌節  
者忠武節度治許州也河陽義成宣武浙西宣歙諸  
軍並見方鎮表河陽三城節度使建中二年置以東  
畿觀察兼之貞元十二年復置河陽懷節度元和元  
年增領汝州義成軍本滑衛節度治滑州上元二年  
置廣德元年更號滑亳節度大厯七年賜爲永平軍  
節度貞元元年更號義成宣武軍卽亳宋潁節度建  
中元年置尋號宣武軍浙西宣歙軍乾元元年置浙  
江西道節度兼江甯軍領昇潤宣歙饒江蘇常杭湖  
十州時宰以忠武節度充攻討使兼統河北河南浙

江江西諸節度軍也曰壺關寇嗣者以劉稹爲從諫  
嗣子昭義軍節度治潞州屬壺關縣也曰移鎮北門  
者自忠武移河東爲京師北鎮也方鎮表開元十一  
年更天兵軍節度爲太原府以北諸軍州節度及河  
東道度支營田使兼北都留守領太原及遼石嵐汾  
代忻朔蔚雲九州十八年更爲河東節度會昌三年  
以雲蔚朔三州置大同都團練使四年升大同都防  
禦使宰於大中初疏奏三城攻戰之備是大同防禦  
仍受制於節度也唐靈石隸汾州西河郡南有陰地  
關又有長甯關所云駐節關亭是也中令諸公題列

多不可考從弟坤男嗣宗傳所不載唐王宰有三宰  
相世系表琅邪王宰國子司業郭子儀傳塤光祿卿  
王宰又名畫錄蜀人王宰善畫山水樹石見杜甫詩  
至李白詩王宰夜相邀乃指漢陽邑宰故望漢陽柳  
色寄王宰詩云寄謝絃歌宰宰非名也是刻爲龔甯  
道王公志融宰靈石詩時拓寄亦金石家未箸錄者

金石  
續錄

八瓊室金石補正卷七十四終